

U skladu sa Etičkim kodeksom Univerziteta u Travniku na sjednicama Nastavno-naučnog vijeća Edukacijskog fakulteta i Fakulteta za tehničke studije utvrđena su

## **PRAVILA ODIJEVANJA AKADEMSKOG, ADMINISTRATIVNOG I TEHNIČKOG OSOBLJA I STUDENATA UNIVERZITETA U TRAVNIKU U ZGRADI EDUKACIJSKOG FAKULTETA I FAKULTETA ZA TEHNIČKE STUDIJE**

### **I UVOD**

#### **Član 1.**

Odijevanje akademskog, administrativnog i tehničkog osoblja kao i studenata visokoškolske ustanove treba da bude u skladu sa Etičkim kodeksom Univerziteta u Travniku na osnovu kojeg se utvrđuju pravila za fakultete koji su u sastavu Univerziteta.

### **II PREDMET PRAVILA**

#### **Član 2.**

1. Akademsko, administrativno i tehničko osoblje treba biti primjer za prikladno ponašanje i odijevanje shodno opisu radnog mjesta i voditi računa o ličnom ugledu koji se odražava i na ugled institucije i njen status u javnosti i okruženju.
2. U svakom trenutku tokom boravka u zgradi fakulteta, članovi akademskog, administrativnog i tehničkog osoblja obavezni su prilagoditi stil odijevanja primjeren radnom mjestu i opisu posla.

#### **Član 3.**

1. Odijevanje studenata treba biti u skladu sa odgojno – obrazovnim kontekstom visokoškolske ustanove i primjereno prilikama i situacijama koje određuju način odijevanja studenata.
2. Od studenata se očekuju da svojim ponašanjem promoviraju lični ugled i ugled visokoškolske ustanove, te da budu primjeri u kontekstu vrlina članova akademske zajednice.

#### **Član 4.**

##### ***Primjereno odijevanje podrazumijeva:***

- Dužina suknje ili haljine za žene treba biti do koljena ili duža.
- Hlače za muškarce (dugih nogavica) trebaju biti urednog izgleda.
- Kratke hlače (bermude i šorcevi) nisu dozvoljene kao stil odjevanja za boravak u prostorijama fakulteta za vrijeme nastavnih i isptnih aktivnosti. Pravilo se odnosi i za muškarce isto kao i za žene.

- Majice bez rukava nisu primjerene kao stil odijevanja za boravak u zgradi fakulteta za vrijeme nastavnih i ispitnih aktivnosti.
- Bilo koji oblik papuča, ukoliko nisu dio radne opreme, nije primjeren za dolazak na posao ili na predavanja i ne dozvoljava se kao stil odjevanja za boravak u zgradi fakulteta za vrijeme nastavnih i ispitnih aktivnosti.
- Kape, kačketi, šeširi, sunčane naočale nisu primjerene osim u slučaju posebnih zdravstvenih potreba.
- Tetovaže i piercing kao dio osobnosti tretiraju se primjerenim uz stepen diskrecije.

### **III ZAVRŠNE ODREDBE**

#### **Član 5.**

1. U slučaju ne pridržavanja ovih osnovnih pravila odijevanja, dekan fakulteta ima pravo i obavezu člana akademskog, administrativnog i tehničkog osoblja zamoliti da napusti radni prostor sve dok isti ne upotpuni pravilo .
2. U slučaju studenata obezbjeđenje na ulazu u zgradu ima pravo i obavezu da ne dozvoli ulazak studentima koji su neprimjereno odjeveni, odnosno koji su odjeveni suprotno pravilima odijevanja koja se nalažu.
3. Dekan, predmetni profesori i asistenti imaju pravo i obavezu upozoriti studente na postupak neprimjerenog odijevanja i zamoliti ih da napuste nastavu odnosno zgradu fakulteta sve dok ne upotpune pravilo.

#### **Član 6.**

Protiv akademskog, administrativnog i tehničkog osoblja i studenata koji se ne pridržavaju odredbi ovih Pravila pokrenut će se postupak u skladu sa Etičkim kodeksom Univerziteta u Travniku.

#### **Član 7.**

Pravila stupaju na snagu danom donošenja.

**D E K A N**

Prof. dr. Hrustem Smailhodžić,s.r.

**D E K A N**

Prof. dr. Hazim Selimović,s.r.